



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

CXCIV. De executione constitut. generalium Ord. Min. de Obser. Refor., &  
Brevis Urb. VIII.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)



§. 5. Non obstantibus præmissis, ac quatenus opus sit Nostra, & Cancellariæ Apostolicæ Regula de non concedendis Indulgentiis ad instar aliisque Constitutionibus, & Ordinationibus Apostolicis, necnon Custodiæ, & Provinciæ, ac Ordinis præfatorum, aliisque quibusvis, etiam Juramento, confirmatione Apostolica, aut quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die XVI. Decembris MDCCXXVIII. Pontificatus Nostri Anno V.

CXCIV.

Præcipitur, ut serventur Constitutiones Generales Ordinis Minorum de Observantia Reformatorum; & Breve Urbani VIII. super præcedentia eorundem in Provincia Romana.

Hac de re vide Urbani VIII. Const. ed. 1642. Dec. 22. P. 20., & Alex. VIII. Const. ed. 1665. Dec. 23. P. 11. quæ hic laudantur.

Dat. 16. Dec.  
1728. An. 5.

## BENEDICTUS PAPA XIII.

Ad futuram rei memoriam.

Ordo præcedentiæ a Generalibus Ordinis Constitutionibus præscriptus, & ab Urbano VIII. approbatus fuit.

§. I. **C**Um, sicut accepimus, alias postquam iussu fel. rec. Urbani PP. VIII. Prædecessoris nostri quædam pro salubri regimine, & gubernio dilectorum filiorum Fratrum Ordinis Minorum S. Francisci de Observantia Reformatorum nuncupatorum Familiæ Cismontanæ, generales Constitutiones in ipso primordio institutionis Provincialium in eodem Ordine editæ, & promulgatæ fuerant, per quas inter alia modus, seu ordo præcedendi inter ipsos Fratres sub gravibus pœnis præscriptus, & ab ipso Urbano Prædecessore per suas in simili forma Brevis die 22. Decembris 1642. expeditas literas, quarum initium est: *Alias &c.* approbatus fuit, quem Fratres Provinciæ Romanæ dicti Ordinis exacte servarunt, donec instantibus Ministro Provinciali, Definitorio, Ministris Exprovincialibus, & aliis Fratribus graduatis ejusdem Provinciæ Romanæ, re. mc. Alexander Papa VII. etiam Prædecessor noster per suas in pari forma Brevis die 23. Decembris 1665. emanatas literas incipien. *Pastoralis &c.* formam ejusmodi præcedendi moderando statuit, quod in eadem Provincia Romana nulli Fratrum Jus præcedendi, sive honoratoris loci competeret, nisi Ministro, Commissario, Vicario, & Procuratori Generalibus, Ministro, Commissario, & Vicario Provincialibus, Custodi, Commissario, Visitatori, Guardianis, Præsidenti, seu Commissario, & Vicariis localibus, qui tamen expletis eorum officii ad locum, & præcedentiam Ordinis redirent tam illis, qui ad habitum per dictos Fratres gestari solitum susceperant, ac de cætero susciperent, quam illi, qui se a Fratribus de Observantia, ad Fratres Reformatos Provinciæ præfate canonice transfulerant, & transferrent, exceptis tamen eis, qui Ministri Generalis, seu Commissarii Generalis ejusdem Cismontanæ Familiæ officio functi erant, & functuri essent, qui post Superiores actuales immediate locum haberent, &

Postmodum vero ab Alexandro VII. prædictæ præcedendi formam moderando, alias statutum fuit.

alias prout in ipsis Alexandri Prædecessoris literis uberius continetur.

§. 2. Definidores actuales dictæ Provinciæ, ubi primum hæc Alexandri Prædecessoris literæ prodierunt, se in earum dispositione minime comprehendi prætenderent, idque die 3. Martii 1666. a Congregatione tunc existentium Sanctæ Romanæ Ecclesiæ Cardinalium, & Romanæ Curie Prælatorum super negotiis Visitationis Apostolicæ Ecclesiarum, & Locorum piorum hujus Almæ Urbis auctoritate Apostolica Deputatorum, tamen non sine altercatione discerni obtinuerunt, prout etiam Secretarii Generales actuales, Exprocuratores, & Exdefinidores Generales, quantumvis proculdubio in memoratis Alexandri Prædecessoris literis comprehensi; præcedentia juxta supradictas generales Ordinis Constitutiones, & Urbani Prædecessoris literas, non tamen absque querimoniis gavisi fuerint, & ad sedanda dissidia subinde enata, eandem præcedentiam sub nomine, ac titulo loci commoditatis, nunc Secretariis Curie, Provinciæ Visitationum, nunc Scriptoribus, Lectoribus, Exprovincialibus, aliisque Fratribus graduatis dictæ Provinciæ cum non mediocri illius perturbatione, concedere opus fuerit.

§. 3. Quamobrem, ut his malis aliquod remedium adhiberetur, anno 1705. institutum fuit pro moderatione præfatarum Alexandri Prædecessoris literarum, sed cum Congregatio tunc similiter existentium S. R. E. Cardinalium negotiis, & Consultationibus Episcoporum, & Regularium præposita demandasset exquiri desuper votum proximi Capituli Generalis dicti Ordinis, & animadversum fuisset, quod præter dilationem celebrationis ejusdem Capituli Generalis in eo vix tractari, ac discuti soleant res ad universonum Ordinem præfatum spectantes, non autem privative unius Provinciæ contentiones; Demum ad deputationem Congregationis particularis nonnullorum eorundem S. R. E. Cardinalium, & Romanæ Curie Prælatorum pro negotio hujusmodi examinando devenit, verum quia nonnulli Fratres Missionarii dictæ Provinciæ per Decretum Cardinalium negotiis propagandæ fidei præfatorum in possessione, seu quasi possessione præcedentiæ, qua fruebantur manuteneri obtinuerant, pro parte sese huic rei opponentium habito adversus ejusmodi Decretum ad fel. rec. Clementem PP. XI. Prædecessorem pariter nostrum recursum, ipse Clemens Prædecessor per tunc quoque existentem Auditorem suum mandavit, nihilominus innovandum esse, neque dictum Decretum executioni demandandum fore, donec, & quousque controversia per præfatum Congregationem particularem Cardinalium, & Prælatorum ab eo deputatam resolveretur, ac interim servari debere in omnibus, & per omnia supradictas Alexandri Prædecessoris literas. Cumque, sicut Nobis quoque innotuit cura, & studio graviorum dictæ Provinciæ Religiosorum, qui concitatos illius fratrum animos placare, & ne ejusmodi lis, & quæstio in publicum efferretur impedire adnixi sunt, Congregatio particularis Cardinalium, & Prælatorum ad illam cognoscendam, & decidendam deputato, prout præmittitur, hæcenus minime habita fuerit.

§. 4. Hinc est, quod Nos attendentes nihil magis spiritui humilitatis, quem Fratres Ordinis præfati in primis profitentur, adversari, quam similes super præcedentia inter eos agitari contentiones, & æmulationes, quæ religiose, & fraternæ quoque invicem charitatis serenitatem obnubilare consueverunt, simulque considerantes rationi, ac recto ordini consentaneum esse, ut Fratres dictæ Provinciæ Romanæ unam, eandemque præcedendi formam per enarratas generales totius Ordinis Constitutiones, ac Ur-

Hinc orta  
dissidia.Pro quibus  
sedandis multum  
operatum est;  
sed frustra.Causæ hujus  
Constitutionis.

bani



Avocatio  
causæ.

bani Prædecessoris literas præscriptam, quam tenent fere omnes reliquæ ipsius Familiz Cismontanz Provinciz observent, motu proprio, ac ex certa scientia, & matura deliberatione, nostris, deque Apostolicæ Potestatis plenitudine litem, & Causam super eadem præcedentia in memorata Congregatione particulari Cardinalium, & Prælatorum, seu alibi ubicumque pendentem (illius statum, & ac merita, & alia quæcumque etiam specificam, & individuum mentionem, & expressionem requirementa, præsentibus pro plene, & sufficienter expressis, & specificatis habentes) in statu, & terminis, in quibus de præfenti reperitur ab eadem Congregatione particulari Cardinalium, & Prælatorum ac quibuscumque aliis Judicibus, & Tribunalibus ad Nos harum serie avocamus, illamque perpetuo suppressimus, & extinguimus, ac perpetuum desuper silentium imponimus.

Præcipitur, ut servantur Constitutiones Generales quoad præcedentiam editas, & ab Urbano VIII. approbatas.

Claufulæ.

§. 5. Præterea generales Constitutiones quoad præcedentiam pro Fratribus ejusdem Ordinis editas, ut præfertur, emanatasque desuper supradictas Urbani Prædecessoris literas, quarum initium est: *Alias &c.* in præfata Provincia Romana ab omnibus, & singulis illius Fratribus deinceps exacte, & inconcusse servari, motu, scientia, & potestatis plenitudine paribus tenore præsentium præcipimus, & mandamus.

§. 6. Decernentes eandem præfatas literas semper firmas, validas, & efficaces existere, & fore, suosque plenarios, & integros effectus fortiri, & obrinere, nec de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet, etiam quantumvis magno, & substantiali defectu notari, impugnari, infringi, retractari, ad terminos Juris reduci, in controversiam vocari, aut adversus illas aperiitionis oris, restitutionis in integrum, aliudve quodcumque Juris, facti, vel gratiæ remedium intentari, vel impetrari, seu impetrato, ac etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se juvare ullo modo unquam posse: Sicque & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac prædictæ S. R. E. Cardinales etiam de latere Legatos, & alios quoslibet quacumque præminentia, & potestate fungentes, & functionarios, sublata eis, & eorum cuilibet quavis auctoritate judicandi, & interpretandi facultate, & auctoritate judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

Derogatorie

§. 7. Non obstantibus supradictis Alexandri Prædecessoris literis, aliisque Constitutionibus, & Ordinationibus Apostolicis, necnon quatenus opus sit præfatorum Ordinis, & Provinciz, etiam Juramento, confirmatione Apostolica, aut quavis firmitate alia roboratis, statutis, & Consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores, præsentibus pro plene, & sufficienter expressis, ac ad verbum insertis habentes, illis alias in suo robore permanfuris ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Petrum sub Annulo Piscatoris die XVI. Decembris MDCCXXVIII. Pontificatus nostri Anno Quinto.

Conceditur facultas Definitorio Generali Congregationis Hispaniarum Canonicorum Regularium Ordinis Præmonstraten. creandi unum vocalem in quolibet Capitulo Generali.

CXCIV.

*De habitu, Missale, & Breviario Præmonstraten-  
sum d. Congregationis Hispaniarum vid. Clem. XI.  
Const. ed. 1705. Maji 30. P. 5.*

BENEDICTUS PAPA XIII.

Dat. 17. Dec.  
1728. An. 5.

*Ad futuram rei memoriam.*

§. 1. Exponi Nobis nuper fecerunt dilecti filii moderni Definitores generales Congregationis Hispaniarum Canonicorum Regularium Ordinis Præmonstraten., quod cum in dicta Congregatione multoties reperiantur aliqui Canonici Regulares titulo, seu gradu Prædicatorum generalium insigniti, & alii virtute, ac meritis præstantes, qui progressus in literarum studiis facere, dictæque Congregationis decus, ac dignitatem augere adnituntur; in Capitulo vero generali ejusdem Congregationis pauci vocales adesse consueverunt, ipsi Exponentes, quo Religiosi, ac literarii ejusmodi Canonicorum Regularium labores aliquo condigno præmio donentur, Definitorio Generali ejusdem Congregationis unum ex prædictis Canonicis Regularibus in singulis Capitulis Generalibus, vocalem creandi, ac constituendi facultatem tribui plurimum desiderent, Nobis propterea humiliter supplicari fecerunt, ut in præmissis opportune providere, & ut infra indulgere de benignitate Apostolica dignemur.

Causæ hu-  
jus concessio-  
nis.

§. 2. Nos igitur ipsorum Exponentium votis hac in re, quantum cum Domino possumus favorabiliter annuere volentes, eorumque singulares personas a quibusvis excommunicationis, suspensionis, & Interdicti, aliisque Ecclesiasticis Sententiis, Censuris, & penis a Jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutos fore censentes, hujusmodi supplicationibus inclinati, eisdem modernis, & pro tempore existentibus Definitoribus generalibus dictæ Congregationis Hispaniarum, ut ipsi in quolibet Capitulo Generali dictæ Congregationis unum ex præfatis Canonicis Regularibus, qui titulo, seu gradu Prædicatoris generalis insignitus reperiat, aut alias doctrina, & meritis refulgeat, vocalem ejusdem Capituli Generalis cum omnibus, & singulis privilegiis, prærogativis, honoribus, & oneribus, quibus alii vocales hujusmodi utuntur, fruuntur, & gaudent, ac uti, frui, & gaudere possunt, creare, constituere, & declarare libere, & valide possint, & valeant, auctoritate Apostolica tenore præsentium concedimus, & indulgemus.

Concessio  
prædictæ Fa-  
cultatis.

§. 3. Non obstantibus Constitutionibus, & Ordinationibus Apostolicis, necnon Congregationis, & Ordinis prædictorum, etiam Juramento, Confirmatione Apostolica, aut quavis firmitate alia roboratis, statutis, & Consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanfuris ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Derogato-  
rie.

Datum Romæ apud S. Petrum sub annulo Piscatoris die XVII. Decembris MDCCXXVIII. Pontificatus nostri anno Quinto.